

CONVOCATORIA PA LA SELECCIÓN DE PROYECTOS ESPOSITIVOS D'ARTES PLÁSTIQUES Y VISUALES, Y L'ADQUISICIÓN DE LOS SOS DERECHOS D'ESPLLOTACIÓN, QUE SE VAN DESENVOLVER EN DIFERENTES ESPACIOS CULTURALES ASITIAOS EN DISTINTOS CONCEYOS DEL PRINCIPÁU D'ASTURIÉS

EL PROYECTU.

Les artes plástiques y visuales son productos culturales y manifestaciones artístiques que contribuyen al desarrollu económicu, la creación d'empléu y el caltenimientu de la diversidá cultural.

La Sociedad Pública de Xestión y Promoción Turística y Cultural del Principáu d'Asturias (d'equí p'arriba la SPXP) tien ente los sos fines el prestar de tou tipu de servicios pa la promoción del sector y actividaes turístiques y culturales del Principáu d'Asturies.

La situación de emerxencia sanitaria derivada de la Covid-19 fai que les midíes adoptaes en cuantes al aforu de los distintos espacios de Llaboral Ciudá de la Cultura llimiten l'accesu a las esposiciones culturales a los ciudadanos, amenorgando enforma la programación cultural que se puede desenvolver na Llaboral. Énte esta situación, considérase afayadizo estender y llevar la programación cultural de Llaboral Ciudá de la Cultura a los distintos conceyos asturianos, averándola a los ciudadanos y emplegando pa ello les infraestructures culturales municipales, lo que permite disponer d'un númberu bien grande d'espacios onde poder llevar a cabu la programación cultural.

Esta situación aconseya que dende la SPXP se tomen una serie de midíes especiales de sofitu al sector asturianu de les artes plástiques y visuales implementando una convocatoria especial y específica para facer posible y promover l'actividá de la industria cultural asturiana y la so difusión pelos conceyos de la rexón.

A razón de lo dicho, la SPXP promueve una convocatoria pa seleccionar propuestas artístiques al traviés de les que pretende per un llau, promocionar y difundir el trabayu de creadores, comisarios/es, galeristes, axentes culturales y artistes asturianos que faigan la so actividá nel ámbitu de les artes plástiques y visuales afincaos nel Principáu d'Asturies, y per otru, facilitar a la ciudadanía asturiana l'accesu al arte, al conocimientu y a la creatividá nes sos diferentes espresiones nos conceyos del so entornu.

Pal desenvolvimientu d'esta acción, faise la presente convocatoria al traviés de la que se van seleccionar un mínimu d'ocho proyectos espositivos de diferentes manifestaciones artístiques y visuales promovíos por creadores, comisarios/es, axentes culturales y artistes asturianos o afincaos nel Principáu d'Asturies.

En faciendo la selección va conformase un catálogu de proyectos espositivos que se va poner a disposición de los Conceyos que tean interesaos en sumase a esta iniciativa. Búscase la idea de xenerar un catálogu representativu del mayor númberu posible de disciplines diferentes.

1.- OXETU DE LA CONVOCATORIA.

L'oxetu de la presente convocatoria ye la selección de proyectos espositivos y actividaes complementaries, de cualquier disciplina artística dientro de les artes plástiques y visuales, pa la ellaboración d'un catálogu que sirva de pegollu pa la posterior programación d'esposiciones en distintes sales o espacios culturales allugaos en distintos conceyos del Principáu d'Asturies. Con esta iniciativa quiere complementarse les programaciones habituales de los Conceyos cola contratación de delles esposiciones que se van poner a disposición de los consistorios.

Por aciu de la presente convocatoria establécense les bases y requisitos que van rexir la mesma, igual qu'el procedimientu pa la selección de los proyectos o propuestas artístiques que van integrar el catálogu con respetu a los principios de publicidá, llibre concurrencia y oxetividá

2.- PUBLICACIÓN Y PUBLICIDÁ.

La presente convocatoria y bases, mesmo que la resolución del procedimientu, van publicase na páxina Web de la SPXP www.laboralciudadde lacultura.com ensin torgar los medios complementarios de difusión que la SPG considere utilizar.

3.- SOLICITANTES

Van poder participar na presente convocatoria les persones físiques o xurídiques que reúnan los siguientes requisitos:

- Ser residentes n'Asturies.
- Desarrollar la so actividá principal nel ámbitu de les artes plástiques o audiovisuales u otras actividaes relacionaes con estes disciplines.
- Tar al corriente de les obligaciones tributaries col Estáu y cola Comunidá Autónoma del Principáu d'Asturies, igual que de les obligaciones cola Seguridá Social.
- Tar daos d'alta na Seguridá Social y nel epígrafe correspondiente del Impuestu d'Actividaes Económiques.

4.- CARACTERÍSTIQUES DE LOS PROYECTOS ARTÍSTICOS QUE PUEDEN CONCURRIR A LA PRESENTE CONVOCATORIA.

Les característiques qu'habrán reunir les propuestas son les siguientes:

- **TEMÁTICA Y DISCIPLINES:** Los solicitantes van poder proponer proyectos artísticos de cualquiera de los campos de la creación plástica y visual, con tema, técniques y materiales d'escoyeta llibre.

Nel ámbitu de les propuestas d'artes plástiques van tener cabida proyectos de pintura, escultura, arquitectura, dibuxu, grabáu, cerámica y orfebrería y nel marcu de los proyectos visuales van aceptase formatos y formes d'espresión talos como'l videoarte, les nueves tecnoloxíes y proyectos multimedia, la fotografía, el graffiti, l'arte dixital, les intervenciones, l'arte sonoru, el diseñu o cualquier propuesta creativa interdisciplinaria contemporánea.

- **PROGRAMACIÓN COMPLEMENTARIA:** Los proyectos espositivos van poder dir acompañaos d'un programa d'actividaes complementaries tales como alcuentros col públicu, desarrollu de charres-coloqui, talleres demostrativos o participativos, etc.
- **PÚBLICU OXETIVU:** Los proyectos nun tienen que tar axustaos a un tipu de públicu determináu.
- **LLINGUA:** Van aceptase proyectos en castellanu, asturianu y gallego-asturianu.
- **SEDES:** Les esposiciones y actividades van desenvolvese nes sales o espacios ubicaos nel Principáu d'Asturies que la SPXP determine. Pa escoyelos ta previsto establecer un conveniu de collaboración colos representantes de los Conceyos interesaos nel proyectu.

Tolos espacios propuestos han cumplir la llexislación vixente no que fai a seguridá, la referida a prevención de riesgos llaborales y las midíes decretaes y vixentes en materia de seguridá y prevención del COVID-19 pa la celebración d'esposiciones.

- **NÚMBERU DE PROYECTOS POR PROFESIONAL O ENTIDÁ:** El númberu final de proyectos a contratar va venir determináu pol presupuestu máximu disponible. El máximu de propuestas pa concurrir a esta convocatoria por profesional o entidá ye de dos proyectos artísticos.
- **TEMPORALIDÁ Y FECHES:** Los proyectos van desenvolvese en dos fases:
El diseñu, desarrollu y producción del proyectu ha llevase a cabu enantes del 31 d'avientu de 2020 y la exhibición va tener llugar del 1 de xineru de 2021 p'alantre. Esta última ha tener una duración mínima d'un mes por sede.

5.- PRESENTACIÓN DE SOLICITÚES. DOCUMENTACIÓN A PRESENTAR.

Les solicitúes han presentase al traviés de la web <http://panel.asturiesculturaenrede.es>

Documentación a presentar:

- 1º. Impresu de solicitú, proyectu espositivu y presupuestu nel formatu recoyíu nel ANEXU I.
- 2º. Declaración responsable conforme al modelu afitáu nel ANEXU II si ye d'aplicación.
- 3º. Currículum del profesional o la entidá que presenta'l proyectu.
- 4º. Descripción pormenorizada de les necesidaes técniques (non puestas pola entidá que concurre a la convocatoria).

6.- PRESENTACIÓN DE SOLICITÚES.LLUGAR Y FORMA DE PRESENTACIÓN.

La solicitú, xunto cola documentación que se pide ha presentase al traviés del rexistru creáu pa ello accesible al traviés de la URL <http://panel.asturiesculturaenrede.es>.

El solicitante habrá de rexistrase como usuariu nuevu, si ye que nun ta yá, y en validándolu (plazu máximu de 24 hores) va poder presentar la documentación. En presentando la documentación el solicitante va recibir acuse de recibu per corréu electrónicu.

La hora y fecha llímite pa presentar solicitúes van ser les **14:00 hores del día 6 de payares del 2020.**

7.- VALORACIÓN DE LOS PROYECTOS Y CATALOGACIÓN.

Pa la valoración de los proyectos o propuestas presentaes va constituyise una Comisión de Valoración que va ser l'órganu colexáu encargáu de valorar les solicitúes de alcuertu colos criterios afitaos nes presentes bases.

La Comisión de Valoración va tar integrada por:

- La Xefa del Área de Xestión d'Espacios de Llaboral Ciudá de la Cultura, en calidá de Presidenta.
- La Xefa del Área de Coordinación de Equipamientos de la SPXP, que va actuar como Secretaria de la Comisión, con voz y votu.
- El Coordinador Cultural del Serviciu de Promoción Cultural, Archivos, Museos y Biblioteques de la Dirección General de Cultura y Patrimoniu del Principáu d'Asturies, en calidá de vocal.
- La Xefa del Serviciu de Planificación y Conocimientu de la llingua asturiana de la Dirección Xeneral de Política Llingüística del Principáu d'Asturies, en calidá de vocal.
- La Documentalista del Centru de Documentación del Institutu Asturianu de la Muyer, en calidá de vocal.
- El Críticu d'Arte y Director del festival AlNorte, en calidá de vocal.
- La Directora del Muséu Barjola, en calidá de vocal.

La Comisión de Valoración va tar constituida válidamente cuando s'alcuentren presentes más de la mitad de los integrantes con derechu a votu. Los alcuerdos han adoptase por mayoría simple de los sos miembros. En casu d'empate, va corresponder a la Presidenta dirimir col votu d'ella'l resultáu de la votación.

La Comisión va poder solicitar de los interesaos tantes aclaraciones, información o documentación complementaria como faiga falta pa la valoración correcta de los proyectos.

La resolución va tener llugar, y va comunicase a los interesaos, enantes del 13 de payares de 2020 y va publicase na web www.laboralciudadde lacultura.com.

Criterios de valoración. La Comisión de Valoración va poder proponer la esclusión de aquellos solicitúes que nun cumplan colos requisitos de participación. El restu de solicitudes han ser valoraes conforme a estos criterios:

1. Interés cultural y artísticu del proyectu, hasta 30 puntos.

Van valorase la calidá, orixinalidá, calter novedosu y repercusión pública del proyectu, la busca de variedá de públicos y el riesgu artísticu de la programación.

Van tenese en consideración el grau d'elaboración, detalle y concreción de la propuesta, asina como la so proyección, valorando positivamente los premios algamaos en convocatories d'alministraciones públiques y de los sos organismos públicos venceyaos o dependientes.

Tamién se van tener en consideración les propuestes qu'incluyan programación, al igual que l'interés del conteníu d'estes.

2. Fomento de la igualdá y la diversidá, hasta 10 puntos.

Van considerase aquellos proyectos que fomenten la igualdá y/o impulsaos por muyeres.

3. Difusión y usu del asturianu y del gallego asturianu, hasta 10 puntos.

Van valorase aquellos proyectos que se presenten y difundan la llingua asturiana y el gallego-asturianu, teniendo en cuenta la corrección llingüística y el calter normalizador.

4. Trayectoria, esperiencia y formación de los artistes y profesionales, hasta 20 puntos.

Va valorase la esperiencia y trayectoria de los creadores, comisarios/es, galeristes, axentes culturales y artistes asturianos, al igual que la so formación en disciplines d'artes plástiques y visuales.

5. Viabilidad técnica, económica y rigor presupuestariu, hasta 20 puntos.

Va ser oxetu de valoración l'adecuación del presupuestu al númberu de profesionales y trabayadores involucraos y los medios técnicos que s'aporten.

6. Diversidad de proyectos artísticos, hasta 10 puntos.

Búscase xenerar un catálogu diversu y representativu del mayor númberu posible de proyectos d'artes escénique y visuales.

En valorándose tolos proyectos, la Comisión de Valoración ha emitir un informe cola valoración de toos ellos, que se van clasificar por orde decreciente de puntuación, y ha proponese'l númberu máximu de proyectos que se van integrar en catálogu.

8.- ELLABORACIÓN DEL CATÁLOGU

Colos proyectos seleccionados la SPXP va ellaborar un catálogu que se va poner a disposición de los Conceyos pa qu'estos seleccionen los proyectos que-yos prestaba incorporar na so programación cultural.

Pa formar parte del catálogu los proyectos han algamar una puntuación mínima de 50 puntos.

9.- DOCUMENTACIÓN A PRESENTAR POLOS PROYECTOS SELECCIONAOS.

Los interesaos que los distintos Conceyos seleccionen pa realizar el so proyectu habrán presentar nel plazu máximu de 7 díes hábiles la documentación que sigue:

- a) Documentos qu'acrediten la personalidá del solicitante. Si el solicitante fuere persona xurídica ha acreitase presentando la escritura de constitución o modificación, nel so casu, inscrita debidamente nel Rexistru Mercantil cuando esti requisitu seya esixible según la llexislación mercantil aplicable. Si esti requisitu nun fuere esixible, la capacidá d'obrar ha realizase al traviés de la escritura o documentu de constitución, estatutos o acta fundacional, nel que consten les normes poles que se regula la so actividá, inscritos, nel so casu, nel Rexistru Oficial correspondiente. Pa los empresarios individuales y les persones físiques va ser obligatoriu presentar la fotocopia llexitimada notarialmente o compulsada del DNI o documentu que, nel so casu, lu sustituya reglamentariamente.
- b) Documentos que acrediten, nel so casu, la representación. Los que comparezcan o firmen ufiertes en nome d'otru han presentar Documentu Nacional de Identidá y poder. Esti poder tendrá de figurar inscrite nel Rexistru Mercantil o, nel so casu, nel Rexistru Oficial correspondiente. Si se trata d'un poder p'actu concretu nun fai falta la inscripción nel Registru Mercantil, d'aluerdu col artículu 94.5 del Reglamentu del Rexistru Mercantil.
- c) Acreditación de tar al corriente d'obligaciones tributaries y cola Seguridá Social:
 - Impuestu sobre Actividaes Económiques: Alta nel epígrafe correspondiente a cualquiera de les actividaes venceyaes col oxetu d'esta convocatoria referida al exerciciu corriente, o últimu recibu, xunto con una declaración de que nun se dio de baxa na matrícula del mentáu impuestu, o certificáu de situación con respectu a esti impuestu emitíu pola Axencia Tributaria.
 - Certificación positiva acreditativa de tar al corriente de les obligaciones tributaries col Estáu espedita pola Axencia Estatal de l'Alministración Tributaria.
 - Certificación positiva del Ente Públicu de Servicios Tributarios del Principáu d'Asturies acreditativa de tar al corriente de les obligaciones tributaries col Principáu d'Asturies.
 - Certificación positiva de tar al corriente de les obligaciones cola Seguridá Social espedita pola Tesorería Xeneral de la Seguridá Social.
- d) Seguru de responsabilidad civil.

NOTES ACLARATORIES:

- **Nota aclaratoria: van tar quitos de presentar l'impuestu d'actividaes económiques** aquellos proyectos seleccionaos que s'alcuentren nel supuestu d'exención del impuestu sobre'l valor añadiu que s'establez nel artículu 20. Uno. 26º de la LLEI 37/1992, de 28 d'avientu, del Impuestu sobre'l Valor Añadiu: *“Los servicios profesionales, inclusive aquellos nos que la contraprestación consista en derechos d'autor, prestaos por artistes plásticos, escritores, collaboradores lliterarios, gráficos y fotográficos de periódicos y revistas, compositores musicales, autores d'obres teatrales y d'argumentu,*

adaptación, guión y diálogos de les obres audiovisuales, traductores y adaptadores”.

- **El seguru de responsabilidad civil** va esixise namás en casu de qu'a la SPXP-y paeza que la execución del proyectu o actividá supón un riesgu de daños a terceros.

Les solicitúes que, depués de ser propuestes pa facer el so proyectu, nun acreiten dientro del plazu afitáu el cumplimientu de les obligaciones requeríes o nun presenten la documentación en plazu, van poder descartase.

10.- RÉXIME Y NATURALEZA XURÍDICA.

La relación jurídica que surde pola formalización del correspondiente contratu ha tener la naturaleza de privada y va rexise polo dispuesto nel Testu Refundíu de la Llei de Propiedá Intelectual y las demás disposiciones complementarias que resulten d'aplicación, igual que poles les normas de Derechu Priváu.

11.- FORMALIZACIÓN DE LOS CONTRATOS.

N'acreditando los requisitos de participación han formalizase los contratos correspondientes. El plazu pa la formalización d'estos contratos va ser de 7 díes naturales a contar dende qu'acabe'l plazu pa presentar la documentación a la que fai referencia l'apartáu anterior. El trescurso d'esi plazu ensin que llegue a formalizase'l contratu por causes imputables al solicitante va provocar que caduque la solicitú, la perda de los derechos que-y pudieren corresponder y la esclusión del so proyectu del catálogu.

12.- ADQUISICIÓN DE DERECHOS DE PROPIEDAD INTELECTUAL.

Al traviés del contratu a formalizar, la SPXP va adquirir los derechos d'esplotación de la obra producida, en concreto el de comunicación pública pa la exhibición siendo el calter de la cesión n'exclusiva, l'ámbitu territorial el Principáu d'Asturies y la duración por un periodu d'un añu.

13.- OBLIGACIONES DE LES ENTIDAES SELECCIONAES.

En casu de resultar seleccionada la so propuesta, el profesional o entidá comprométese a:

- Desenvolver el proyectu nes feches, hores y términos axustaos.
- Poner a disposición de la SPXP los materiales gráficos y audiovisuales al so algame pa facilitar la promoción y difusión del proyectu.
- Difundir al traviés de los sos medios información sobre l'actividá (web, redes sociales, mailing, etc.) y colaborar cola SPXP na atención a los medios de comunicación en casu de que faiga falta.
- Aceptar l'uso del so nome o el de la entidá p'acciones promocionales o de comunicación del proyectu.
- Disponer de los derechos d'autor pertinentes pa poder desenvolver l'actividad.

- Rellenar una fuenta d'evaluación de cada esposición que-y facilitará la SPXP col fin de recabar datos relativos a la participación, perfiles de públicu, criterios organizativos, desarrollu, etc. El fin ye incorporar la información a una memoria final d'evaluación del proyectu.
- Presentar el protocolu y plan de contingencia de los creadores, comisarios/es, galeristes, axentes culturales y artistes asturianos pa la prevención COVID-19.
- Presentar la documentación que resulte d'aplicación según la lleislación vixente en materia de seguridá llaboral y prevención de riesgos llaborales.

ANEXO I:

DATOS FISCALES Y CONTACTU	
Datos fiscales (Nome fiscal, dirección postal y CIF)	
Datos de contactu (nome, teléfonu, corréu electrónicu y redes sociales)	

DATOS DEL PROYECTU ARTÍSTICU	
Temática /Disciplina	
Denominación del proyectu	
Sinopsis del proyectu (descripción, xustificación, finalidá, oxetivos y propuesta de conteníos. Extensión máxima: 3 A4 por una cara).	
Programación complementaria y característiques de la mesma (públicu al que va empobinada, places recomendaes, duración y necesidaes específiques si se determinen)	
Autoría del proyectu	
Llingua	
Espaciu preferente d'exhibición (Sala polivalente cubierta o calle)	
Públicu oxetivu (adultu, familiar, xuvenil o infantil (nesti últimu casu indicar franxa horaria recomendada)	
Aforu recomendáu	

REQUISITOS TÉCNICOS	
Descripción del montaxe y desmontaxe incluída la duración	
Dotación y característiques de la sala (metros cuadraos, iluminación, soportes espositivos, disposición, dotación técnica y audiovisual, mobiliariu imprescindible, etc.)	
Otros	

DATOS ECONÓMICOS IMPUESTOS NON INCLUÍOS	
Presupuestu del proyectu (diseño, comisariáu, desenvolvimientu y producción incluíes les necesidaes de la programación complementaria si se contemplan)	€
Presupuestu de montaxe/tresllaos y desmontaxe). Detalle de los siguientes gastos: <ul style="list-style-type: none"> ○ Gastos de seguru clavu a clavu. ○ Los gastos de transporte dir y volver. En casu de variación especificar coste de treslláu a la zona centru, oriente y occidente del Principáu d'Asturies dende la sede de creación. ○ Los gastos de montaxe y desmontaxe. ○ Los gastos d'acondicionamientu de la sala si faen falta ○ Otros gastos que se consideren o contemplan 	€ € € € € €
OTROS	
Información adicional / Observaciones	

ANEXO II

DECLARACIÓN RESPONSABLE

D./D^a.con NIF n^u.....
En nome propiu
En representación de la empresacon NIF
n^uen calidá de

En relación cola solicitú de participación na convocatoria pa la selecció de propuestas pa la elaboración d'un catálogu de proyectos lliterarios y posterior programación de varies actividaes de promoción de la lliteratura y difusión de les lletres nel Principáu d'Asturias **DECLARA BAXO LA SO RESPONSABILIDÁ que:**

1.- S'alcuenta en situación d'alta nel Impuestu d'Actividaes Económiques (IAE), baxo l'epígrafe _____ correspondiente a _____.

2.- Nun ta incursu nes prohibiciones pa contratar previstes nel artículu 71 de la Llei 9/2017, de 8 de payares, de Contratos del Sector Públicu y tópose al corriente del cumplimientu de les obligaciones tributaries col Estáu y cola Comunidá Autónoma del Principáu d'Asturies y de les obligaciones cola Seguridá Social, impuestos poles disposiciones vixentes.

3.- Ostenta la titularidá de los derechos d'esplotación del proyectu **musical** / espositivu que presenta a la convocatoria

Y pa qu'asina conste y surta los sos efectos énte la Sociedá Pública de Xestión y Promoción Turística y Cultural del Principáu d'Asturies, SAU, robla la presente solicitú y declaración responsable

En _____ a ____ de _____ de 2020

Fo. _____

(firma del solicitante o representante llegal)